

Krowodische Sproch

Der Articl is im Dialekt **Weanarisch** gschrim worn.

De **krowodische Sproch** (dt.: **kroatisch**, krowod.: **hrvatski jezik**) ghead zum südslawischn Zweig vo de indogermanischn Sprochn.

Inhoitsvazeichnis

Vabreitung und Dialekte

Alphabet und Aussproch

Alphabet

Segmentale Phoneme

Sübisches R

Wuatakzent

Grammatik

Entwicklungsgschicht

Entwicklung seit da Unabhängigkeit 1991





Sprochwawauntschoft

Weata aus aundan Sprochn

Beleg

Literatua

Im Netz

Krowodische Sproch	
Gredt in	Krowozien, Bosnien und Herzegowina, Vojvodina (Serbien), Boka Kotorska (Montenegro), Burgnlaund (Österreich), Baranya (Ungarn); ois Eiwaundarasproch in vaschiedanan Ländan vo Middl- und Westeiropa, in Nordamerika und Australien
Sprecha	uma 7 Müllionen (davo 4 Mio. in Kroazien)
Klassifikation	<div><div>▪ <u>Indogermanisch</u></div><div><div>▪ <u>Slawisch</u></div><div><div>▪ <u>Südslawisch</u></div><div><div>▪ <u>Westsüdslawisch</u></div><div><div>▪ Krowodisch</div></div></div></div></div></div>
Offiziella Status	
Amtssproch	<div><div> <u>Bosnien-Herzegowina</u></div><div> <u>Krowozien</u></div><div> <u>Montenegro</u></div><div> <u>Vojvodina, Serbien^[1]</u> (regional)</div></div>
Sprochcode	
<u>ISO 639-1</u>	hr
<u>ISO 639-2</u>	hrv, hbs (Makrosproch Krowodisch-Bosnisch-Serbisch)
<u>ISO 639-3</u>	hrv

Vabreitung und Dialekte

De krowodische Standardsproch basiat (wia aa de Standardvarietätn vom Serbischn, Bosnischn und Montenegrinischn) afn neištokavischn Dialekt, hod owa aa Eiflüsse vo kajkavischn und čakavischn Dialektn. Des Krowodische wiad mitn lateinischn Alphabet gschriem.

Datei:Bascanska ploumajpg
Krowodische Sproch 1000–1100.

Weu de krowodische Staandardsproch sea ähnlich is wia de bosnischn, montenegrinische und de serbische Standardsproch (de Sprecha vo de Standardsprochn kena si problemlos miteinaunda vaständign), vstretn vü Slawistn und Soziolinguistn vor oim außahoib vom ehemolign Jugoslawien de Manung, dass de ois Varietätn vo ana anzign plurizentrischn Sproch aungsäng wean, de vos ma Serbokroatisch nennt.

Des Wossakrowodische bzw. Burgnlandkrowodische Sproch (vo dem de Standardvarietät iwawiegend afn Čakavischn basiat) und des Moliseslawische (des vos afn štokavischn Dialekt zruckgähd) untascheidn se vü stäaka vom Standardkrowodischn und wean deshoib ned ois Varietätn vom Krowodischn aungsäng.

Krowodisch wiad woascheinlich vo ungefääh siebm Müllionen Menschn gredt. In da Voikszöhlung vo 2001 hom in Krowozien 4.265.081 Menschn (96,12 % vo de Eihwohna) s Krowodische ois Muadasproch augebm. Dazu gibts aa no muadasprochliche Sprecha in Bosnien-Herzegowina und in da Vojvodina, unta krowodischn Zuawaundaran aus jugoslawischa Zeit in Slowenien sowia in da krowodischn Diaspora, voa oim in Middleiropa (Deutschland, Östareich, Schweiz), Italien, Nordamerika (USA, Kanada), Südamerika (unta aundam Argentinien, Chile, Bolivien) sowia in Australien und Neiseeland.



Krowodische Sproch 1380–1400.

Es ist de Aumtssproch in Krowozien, ane vo de drei Aumtssprochn in Bosnien und Herzegowina sowia ane vo de sechs offiziön Mindaheitnsprochn in da Vojvodina in Serbien.

De Dialekte vom Krowodischn wean in drei Großgruppn eiteut, de wos noch da jeweulign Foam vom Frogewoat *wos (was) (ča, kaj, što)* gnennt wean:

- Čakavisch (Istrien, Krowodisches Küstenland, Küstengebiet vo Noad-und Middldalmatien sowia de meisten Insln, österreichisches Burgenland)
- Kajkavisch (neadlich vo da Kupa und da oban Save, Nordkroazien)
- Štokavisch (Slawonien, Lika, südliches Dalmatien und Bosnien und Herzegowina)



Des Štokavische wiad aa vo de Bosniaken und da Meaheit vo de Serbn gredt und büdt de Grundlog vo da krowodischn und aa vo da bosnischn und serbischn Standardsproch.

Alphabet und Aussproch

Alphabet

De Sproch wiad mitn lateinischn Alphabet und einign Sundazeichn (duach Zuagob vo diakritischn Zeichn) gschriebm. S krowodische Alphabet hod 30 Buchstobm:

A	B	C	Č	Ć	D	DŽ	Đ	E	a	b	c	č	ć	d	dž	đ	e
F	G	H	I	J	K	L	LJ	M	f	g	h	i	j	k	l	lj	m
N	NJ	O	P	(Q)	R	S	Š	T	n	nj	o	p	(q)	r	s	š	t
U	V	(W)	(X)	(Y)	Z	Ž			u	v	(w)	(x)	(y)	z	ž		

Großschreibung

Klaschreibung

De Buachstobm *q*, *w*, *x* und *y* ghean formal ned zum Alphabet und kumman nua in Eigennaumen fremdsprochiga Heakunft vua. Bei Bedoaf weans wia obm zagt ins Alphabet eisortiat. De Digraphn *dž*, *lj* und *nj* wean in da alphabetischn Ordnung jeweus ois a anziga Buchstobm behaundlt. Es gibt nua a sea geringe Aunzoi vo Weatan, in dena de Zeichngruppm zwa trennte Laute bezeichnen und deshoi ois zwa Buachstobm behaundlt wean miassn (z. B. *izvanjezični* 'außasprochlich, extralinguistisch', wo zwischn *izvan*- 'außa-' und *-jezični* 'sprachlich' a Morphemfugn liegt).

De Sundazeichn kena mit de foigandn Entitäten doagstöd wean (des Đ deaf ma ned mitn isländischn Ð vawexln):

Č: Č č: č
Ć: Ć ć: ć
Đ: Đ đ: đ
Š: Š š: š
Ž: Ž ž: ž

Da Großteu vo de Buachstobm wiad ungefääh wia im Deitschn ausgesprochn.

Segmentale Phoneme

Buachstob	Lautschrift	Beschreibung	Beispü
a	/a/	ungerundeta offana Vuadazungenvokal]], wia <u>boarisches a</u>	<i>akademija</i> „Akademie"
b	/b/	stimmhofta bilabiala Plosiv, wia boarisches <i>b</i>	<i>broj</i> „Zoi"
c	/ts/	stimmlose Affrikate, imma /ts/, wia boarisches <i>tz</i> ; <i>z</i> in <i>Kotz</i> ; <i>Zucka</i>	<i>majica</i> „Pullover"
č	/tʃ/	stimmlose Affrikate, wia boarisches <i>tsch</i> in <i>Quatsch</i> , <i>Tschappel</i> ; de Zungan wiad an de Gaumen druckt	<i>čempres</i> „Zypressn"
ć	/tɕ/	stimmlose Affrikate, ähnlich wias standarddeutsche <i>tch</i> in Brötchen oda <i>tj</i> bei <i>tja</i> ; de Zungan wiad in an vuadan Mundbereich druckt; oft schwaa von č zan untascheiden	<i>kraljević</i> „Prinz"
d	/d/	Stimmhofta alveolarer Plosiv, wia boarisches <i>d</i>	<i>daska</i> „Breddl"
dž	/dʒ/	stimmhofta Affrikate, stimmhofta Entsprechung zu č, wia engl. <i>j</i> in <i>John</i>	<i>džep</i> „Toschn"
đ	/dʒ/	stimmhofta Affrikate, sea waachs <i>dj</i> ; oft schwaa vom dž z untascheiden	<i>đak</i> „Schüla"
e	/ɛ/	ungerundeta hoiboffana Vordazungenvokal, (im Vergleich zan Boarischn) imma offenes e	<i>meso</i> „Fleisch"
f	/f/	stimmlosa labiodentala Frikativ, wia boarisches <i>f</i>	<i>fonetika</i> „Phonetik"
g	/g/	stimmhofta velarer Plosiv, wia boarisches <i>g</i>	<i>grad</i> „Stod"
h	/x/	stimmlosa velara Frikativ, recht schwache Friktion, wia boarisches <i>ch</i> in <i>ach</i> , wiad <i>imma</i> ausgesprochen	<i>himna</i> „Hymne“, <i>Hrvatska</i> „Kroazien"
i	/i/	ungerundeta gschlossena Vordazungenvokal, wia boarisches <i>i</i>	<i>igla</i> „Nodl"
j	/j/	stimmhofta palatala Approximant, wia boarisches <i>j</i> in <i>Jogd</i>	<i>jastreb</i> „Habicht"
k	/k/	stimmlosa velara Plosiv, weniga aspiriat ois im Boarischn	<i>koza</i> „Gaass"
l	/l/	stimmhofta laterala alveolara Approximant, dumpfa (velara) wia im Boarischn	<i>magla</i> „Nebe"
lj	/ʎ/	stimmhofta laterala palatala Approximant, zu am Laut vaschmoizn, wia ital. <i>gli</i> in <i>figlio</i>	<i>kralj</i> „Kenig"
m	/m/	stimmhofta bilabiala Nasal, wia boarisches <i>m</i>	<i>molitva</i> „Gebet"
n	/n/	stimmhofta alveolara Nasal, wia boarisches <i>n</i>	<i>novine</i> „Zeitung"
nj	/ɲ/	stimmhofta palatala Nasal, wia frz. oda it. <i>gn</i> in <i>Champagne</i> oda <i>Bologna</i> ; span. <i>ñ</i> in 'señor	<i>konj</i> „Pfeadl"
o	/ɔ/	grundeta hoiboffena Hinterzungenvokal, (im Vagleich zan Boarischn) imma offn, wia <i>o</i> in boarisch <i>Bob</i> , <i>Boxn</i> , <i>Tonne</i>	<i>konoba</i> „Weinbeisl"
p	/p/	stimmlosa bilabiala Plosiv, weniga aspiriat ois im Boarischn	<i>diploma</i> „Diplom"
r	/r/, /ɾ/	stimmhofta alveolara Vibrant, Zungenspitzn-r (mit mea Schlägn ois s süddeutsche Zungen-r), kaun aa ois vokalisches sübisches) R aa Sübm bündn und dabei laung oda kurz, betont oda unbetont sein.	<i>mornar</i> „Matros“ <i>mrkva</i> „Muakal"
s'	/s/	stimmlosa alveolara Frikativ, wia boarisches 'ss in Klasse	'sol „Soiz"
š	/ʃ/	stimmlosa postalveolara Frikativ, wia boarisches 'sch in Schule	<i>šibica</i> „Streichhoiz"

t	<u>/t/</u>	stimmlosa alveolara Plosiv, weniga aspiriat ois im Boarischn	<i>šator</i> „Zelt“
u	<u>/u/</u>	grundeta gschlossena Hinterzungenvokal, wia boarisches <i>u</i>	<i>kruna</i> „Krone“
v	<u>/v/</u>	stimmhofta labiodentala Frikativ, wia boarisches <i>w</i> in <i>wüd</i> , nia stimmlos wia [f]	<i>voda</i> „Wossa“
z	<u>/z/</u>	stimmhofta alveolara Frikativ]], wia boarisches 's in <i>Rosn</i> , <i>z im englischn zero</i>	<i>zakon</i> „Gsetz“
ž	<u>/ʒ/</u>	stimmhofta postalveolara Frikativ, wia frz. <i>j</i> in <i>Journal</i> , <i>toujours</i>	<i>žarulja</i> „Glühbirndl“
ije	<u>/iɛ/</u>	Diphthong; langa Doppellaut <i>i-e</i>	<i>brijeg</i> „Berg“

No zu beochten:

- **ck = c + k** (*ned* wia Hockn, *sundan* wia **erzk**atholisch)
- **sh = s + h** (*ned* wia *shoe im Englischen*, *sundan* wia **hochdeitsch** *bisschen*)
- **sp' = s + p** (*ned* wia *Spende*, *sundan* wia **hochdeitsch** *Wespe*)
- **st' = s + t** (*ned* wia *Stunde*, *sundan* wia **boarisch** *Deanst*)
- **eu = e + u** (*ned* wia **Ei**ropa, *sundan* wie Museum)

Sübisches R

Weus „R“ im krowodischn zum Teu sübischn Charakta hod, gibts aa Weata ohne Vokale. Beispü dafia waradn: „Krk“ /kɾk/ (a krowodische Insl), „prst“ /pɾst/ (boar. *Finga*) oda „krš“ /kɾʃ/ (hochdeitsch *Karst*). In da Schrift wean as sübische und s ned-sübische R gwenlich ned untaschiedn.

Wuatakzent

Krowodisch hod an melodischen Wuatakzent (engl. *pitch accent*) und zöd zu de Tonsprochn. Des bedeit, dass de Tonhächn vo de betontn Sübm und da Tonhächnvalauf vo am Wuat a Roin spün und aa zua Bedeutung vo am Wuat beitrogn. In da Standardsproch wiad a steiganda und a follenda Ton untaschiedn.

Nem da Tonhächn stöd aa de Länge vo de Sübmkeane a phonologisches Meakmoi doa.

Krowodische Schreibweis	Lautschrift	Beschreibung	Beispü
a	[a]	unbetonta kurzar Vokal	▪ daljina (Weitn)
ā	[a:]	unbetonta langar Vokal	▪ dōbrā (gut f) ▪ drāgī (liaber m) ▪ polijetānje (Obflug)
a	[ǎ]	kurz-steigenda Akzent	▪ dalmatīnskī (dalmatinisch) ▪ kazalište (Theater)
á	[ǎ:]	lang-steigenda Akzent	▪ budalášтина (Unfug) ▪ objelodániti (aufdecken) ▪ sámo (allein)
ǎ	[â]	kurz-follenda Akzent	▪ sâmo (nur) ▪ slâma (Stroh) ▪ drâga (Kleine Doline)
ā	[â:]	lang-follenda Akzent	▪ grâd (Stod) ▪ drâgā (liab f)

'Beleg: Wei im Krowodischn aa des /ɣ/ an sübischn Laut doastöd, kaun da Wuatakzent aa auf den Laut foin. Deshoib kenna de Akzentzeichn ned nua auf de Vokale sundan aa aufs r gschriem wean.

Grammatik

Sprochtipologisch gseng is as Krowodische so wia de meisten aundan slawischn Sprochn a flektiarande Sproch mit deitlich analytischn Elementn. Zauman mit de štokavischen Standardvarietäten nimmts Krowodische a Zwischnstölung in da slawischn Sprochfamülie ein. Im Westslawischn, Ostslawischn und Slowenischn) is da flektiarende Charakta vom Urslawisch im Bereich vo da Nominalflexion guad dahoidn, während de Verbalflexion zugunstn vo analytischen Konstruktionen stoak obbaut wuan is. Demgegniwa is im Bulgarischn und Mazedonischn de Verbalflexion vom Urslawischen bewoat wuan, während de Nominalflexion zugunsten vo analytischen Struktur obbaut wuan is. Im Krowodischn san de Kategorien sowoi vo da Nominalflexion wiara vo da Verbalflexion vom Urslawischen in wesentlichn Teun dahoidn, es Formensystem is owa durchn Obbau von Flexionsklassen und Zaumanfoi vo Formen stoak vaafocht wuan. Außadem san maunche vo de daeabtn Kategorien nua no in eigschrängtn Ausmoß gebräichlich und konkurrian mit neian analytischn Konstruktionen.

Entwicklungsgschicht

Entwicklung seit da Unabhängigkeit 1991

Noch da Unabhängigkeitserklärung 1991 is s Krowodische in Krowozien endgütig ois eignständige Sproch aunakaunt wuan. Da Begriff Serbokrowodisch wiad in Krowozien offiziö ois a Relikt vo ana aufzwunganen Kunstsproch bezeichnet. In Krowozien wiad de Distanz zum Serbischn betont. Zum an im Wuatschotz, zum aundan in kuituarölla und historischa Sicht. Oide Weata aus da Zeit vua 1918 wean wiedabelebt. Ma is da

Aunsicht, dass de natialiche Entwicklung vo da Sproch duach des kommunistische Regime (und diverse dubiose Sprochobkommen) glittn hod (vua oim in Bezug auf de Reichhoitigkeit). Dazua gibts Bestrebungen, de Grammatik zum Vaafochn (Zwadeitigkeitn zum Eliminian).

Am 14. Aprü 2005 is vom krowodischn *Ministerium fia Wissnschoft, Büdung und Spuat* da „Rat zua Normierung vo da krowodischn Standardsproch“ (Vijeće za normu hrvatskoga standardnog jezika) grindt wuan.

Sprochvawauntschoft

Innaoib vo da Sprochfamülie vo de slawischn Sprochn is meistns a grunsätzliche Vaständnismöglichkeit vuahaundn, zumindestn im passivn Vaständnis. A greßtmeögliche Sprochvawauntschoft besteht zu de Südslawischen Sprochn. Wea krowodisch kaun, is dahea jedazeit in da Log, mit Sprechan aus de benochboatn südslawischn Sprochn zum redn.

Weata aus aundan Sprochn

- Ausm Boarischn und speziö Weanarischn (wegn dea gemeinsamen Gschicht): *žemlja* – Semme, *pekar* – Bäcka, *šrafciger* – Schraubmziaga, *šlager* – Schloga, *šminker* – Schminka, a Peason de bsundan Weat aufs Aussehn legt, *lebnskindler* – Lebmskindla, *forcimer* – Vuazimma, *drebu* – Drehbuach, *cajger* – Zeiga, *haubica* – Haubitzn, *šnajder* – Schneida, *kurčšlus* – Kuazschluss, *šporet* – Spoahead (Kuchlofn, dea wos mit Hoiz und Kuin ghazt wiad), *karfiol* – Karfiol, *paradajz* – Paradeiser, 'sekirati – sekkian, krampus – *Krampus*, pusa – *Bussi*, pušl – *Bischl*, špajza – *Speis*, cušpajz – *Eitopf*.
- Ausn Lateinischn: *lekcija* – Lektion, *konzum* – Vabrauch, *kvaliteta* – Qualität.

Beleg

1. UNHCR – Ethnic Hungarian Minorities in Central and Eastern Europe (<http://www.unhcr.org/pu/bl/RSDCOI/3ae6a6c34.html>)

Literatua

- Auburger, Leopold: *Verbmorphologie der kroatischen Standardsprache*. Julius Groos Verlag, Heidelberg 1988, ISBN 3-87276-610-4
- Auburger, Leopold: *Die kroatische Sprache und der Serbokroatismus*. Hess, Ulm 1999, ISBN 3-87336-009-8
- Grčević, Mario: *Die Entstehung der kroatischen Literatursprache*. Böhlau, Köln/Weimar/Wean 1997, ISBN 3-412-16196-9
- Greenberg, Robert D. *Language and Identity in the Balkans: Serbo-Croatian and its Disintegration*. Oxford u. a. 2004, ISBN 0-19-925815-5.
- Katičić, Radoslav: *Undoing a 'Unified Language': Bosnian, Croatian, Serbian*. In Michael Clyne, ed. *Undoing and Redoing Corpus Planning*. Mouton de Gruyter, Berlin 1997, ISBN 3-11-012855-1, S. 165–191
- Moguš, Milan: *Die Geschichte der kroatischen Literatursprache*. Übersetzt von Nicole Emmerich unter Mitarbeit von Mario Grčević. Globus, Agram 2001, ISBN 953-167-125-7
- Okuka, Miloš. *Eine Sprache – viele Erben: Sprachpolitik als Nationalisierungsinstrument in Ex-Jugoslawien*. Klagenfurt 1998, ISBN 3-85129-249-9.
- Škiljan, Dubravko: *From Croato-Serbian to Croatian: Croatian linguistic identity*. In: *Multilingua* 19, 2000, S. 3–20.

Im Netz

- [Deutsch-Krowodisches und Krowodisch-Deutsches Weatabiachl vom Jurica Romić \(http://www.rodic.com/\)](http://www.rodic.com/)
- [www.DrDicty.com – Umfossands Deutsch-Krowodisches Weatabiachl mit Redewendungen und Aunwendungsbeispün \(http://www.drdicty.com/\)](http://www.drdicty.com/)
- [eitsch-Krowodisches und Krowodisch-Deutsches Weatabiachl auf von e-rječnik \(http://www.e-rjecnik.net/deutsch-kroatisch-worterbuch.htm\)](http://www.e-rjecnik.net/deutsch-kroatisch-worterbuch.htm)
- [Umfossande Linksaumlung zum Krowodischn \(http://eleaston.com/croatian.html\)](http://eleaston.com/croatian.html)
- [Istarski rječnik, Weatabiachl vo de istrischn Ausdrick \(http://www.istarski-rjecnik.com/projekt/\)](http://www.istarski-rjecnik.com/projekt/) (krowodisch)

Slawische Sprochn

Ostslawisch: [Oidnowgoroda Dialekt](#) † | [Altostslawisch](#) † | [Karpato-Russinisch](#) | [Russisch](#) | [Ruthenisch](#) † | [Ukrainisch](#) | [Weißrussisch](#) | [Westpolessisch](#)

Westslawisch: [Kaschubisch](#) | [Knaanisch](#) † | [Niadasorbisch](#) | [Obasorbisch](#) | [Polabisch](#) † | [Pomoranisch](#) † | [Poinisch](#) | [Slowakisch](#) | [Slowinzisch](#) † | [Tschechisch](#)

Sidslawisch: [Ägäis-Mazedonisch](#) | [Altkirchenslawisch](#)|[Oidkiachaslawisch](#) † | [Banater Bulgarisch](#) | [Bosnisch](#) | [Bulgarisch](#) | [Buagnlaundkrowodisch](#) | [Krowodisch](#) | [Mazedonisch](#) | [Moliseslawisch](#) | [Montenegrinisch](#) | [Serbisch](#) | [Serbokrowodisch](#) | [Slowenisch](#)

Andane: [Jugoslawa-Russinisch](#) | [Kiachaslawisch](#) | [Russenorsk](#) † | [Slawenoserbisch](#) † | [Slovianski](#) | [Slovio](#) | [Urslawisch](#) †

† ausgstoom

Vh „https://bar.wikipedia.org/w/index.php?title=Krowodische_Sproch&oldid=735698“

De Seitn is zletzt am 7. Jenna 2020 um 19:18 gändert worn.

[Abruaftstatistik](#)

Dea Text is unta da Lizenz „Creative Commons Attribution/Share-Alike“ vafigbor; zuasätzliche Bedingunga kennan owendbor sei. Oazlheitn san in de [Nutzungsbedingunga](#) bschriebm.